



17352

kal.komp.

I

Mag. St. Dr.

P

*Wiewiarowski - Skanulski: Corona obsi-  
dionalis fructuiformis. Liberatori Ob-  
sidionis Vladislao IV etc. ab Ordini  
nobis servatae Smolonsci hono-  
rifice decreta.*

PANDE. &amp; VITAE

Polon. 4<sup>e</sup>N<sup>o</sup> 1086.

C

I

V

N

A

S



CORONA  
OBSIDIONALIS  
INVICTISSIMO LIBERATORI  
OBSIDIONIS,  
SERENISSIMO  
VLADISLAO IV.  
REGI POLONIÆ  
MAGNO DUCI LITVANIÆ  
&c. &c.

Ab ordinibus seruatae SMOLEN-  
SCI honorificè decreta,

&

*Per Nobilem*

STANISLAVM NIEVIAROWSKY

*Studiosum Philosophiæ & Eloquentiæ in Aca-  
demia Cracouiensi*

Cum humili S. R. M. subiectione

DELATA.





C. R. BIBLIOTHECA  
VNIV. IAGELL.  
CRACOVIENSIS

17352 I



## Corona Obsidionalis.



I pro Tuis REX fortissime in nos vitamq; nostram meritis parum cumulatè gratias S. M. T. egerimus; obtestamur Te, ne magis voluntati nostræ Tibi satis obnoxia, quàm potius magnitudini Tuorum in nos meritorum, id putes tribuendum. Nullius enim tanta in dicendo vbertas vnquam existere potest, nulla tanta verborum copia, quæ non subito Tuis in nos recensendis promeritis exarescat. Tametsi enim plurimum ærumnarum circumsessi ab hostibus accepissemus: tamen postquam à Te conseruati, & formidine hostili releuati sumus, ita animis ad spem & felicitatem meliorem erigimur, ac si vnquam calamitatem vllam essemus perpeffi. Neminem verò ita à natura hebetem, atq; ab omni sensu & humanitate putamus alienum, qui ignoret, quantum illi debeamus, à quo vitam, libertatem, patrimonium, ciuitatem, omnia insuper diuina, & humana

reddita & restituta nobis videmus. Qui etiam illo ipso tempore cū vi, ferro, metu, minis obsessi teneremur: suam salutem, in qua Reipub. salus niteretur, nostræ posthabuit incolumitati. Plurimum profectò Parentibus vnde lucem primam hausimus, debere nos profitemur; longè plus Deo, à quo non exiguis in primo nascendi initio aucti sumus muneribus: non exiguum aliquid Reip. cuius honorificentissimis decretis, hac in prouincia collocati sumus; sed immensum quiddam illi debeamus est necesse, à quo hæc conseruata, & ab hostili perturbatione, restituta in integrum intuemur. Nam si quid vnquam in vita esse carum cuiquam potest, vt sunt pignora naturæ, domesticæ cognitionis, & sanguinis necessitudo, leges, otium, tranquillitas; hæc omnia prorsus nobis erant auferenda, nisi Tua bonitas maturè accessisset: quâ perfecisti, nè cum vita, fama, fortunis, Moschorum cupiditati & crudelitati dederemur. Quocirca cū mediocritas nostra Tuorum in nos amplitudinem meritorum adæquare non possit: fortissi-



tissimum & felicissimum, salutis nostræ propugnato-rem, sempiternâ prosequemur beneficij accepti recordatione; atq; coronas obsidionales certatim conferemus, statuas Imperatorias, Tuę virtuti ad omnem posteritatem propagandę, hîc ad Borysthenem, vbi nunquam satis laudanda fortitudo Tua, nobis conseruandis inclaruit, erigemus. Nunc verò Te per Tuam dexteram fortem, quâ nobis extremè oppressis subuenisti obtestamur, patiaris de Tua bellica gloria quâ nos quasi victimam crudelitati & cupiditati hostili deditos erexisti, aliqua dici: non vt quicquam illi ad amplitudinem maiùs addi possit; verùm vt nobis ex frequentiore illius recordatione, tantùm voluptatis accedat, quantùm erat ex obsidione mæroris.

Nihil nobis æquè in vita extitit iucundum, quàm illius diei recordatio; quo Tu Regni Tui felicitatem, atq; supremum hoc à Deo Tibi impositum negotium, à nobis tuendis, ordiri voluisti. Non iniquè videtur nobiscum egisse fortuna, quòd cùm nos ad omnia miserandum in

modum prodidisset pericula: ad extremum Tuo  
consilio, & prudentiâ Diuinâ, graui atq; vlti-  
mâ volebat exemptos esse interneccione. Non  
ita profectò acerbum fuit nobis extrema quæq;  
& infanda, à crudelissimo præstolari hoste, for-  
tunas nostras proponi ad miserandam direptio-  
nem, liberos ad probrosam designari contume-  
liam; quàm illustre & iucundum est, talem ha-  
buisse vitæ & libertatis propugnatorem. Iactent  
vt libet Siculi Marcellorum nobilissimum in se  
patrocinium, quorum præsidij starent semper  
incolumes. Glorientur Spartani Claudiorum  
beneuolentiâ, suas propulsari solitas fuisse cala-  
mitates. Extollant Neapolitani Licinios, Heren-  
nij Marios, vniuersa Græcorum insuper natio,  
Cæsaris clientelam, vt libet ad posteritatē com-  
mendet, nihil illis tam insigne, tam eximium,  
tàm extremè necessarium, aut memorabile  
præstitum est: quod nos in Te fortunatissime  
REX, extrema quæq; ab hoste expectantes, re-  
quireremus. Et tametsi vniuerso Regno, suffra-  
gijs Ordinum consentientibus, exterorum etiã

popu-



populorum studijs fauentibus à Deo datus sis;  
nos tamen maximi muneris istius primi fructū  
accepimus & voluptatem; quasi nos in hoc for-  
tuna oppressisse grauiter videretur, vt per Te ho-  
norificè & laudabiliter extolleret iacentes. Ob-  
iecta est Tibi in primo ad Regnum aditu tem-  
pestas hostis formidolosi coërcendi, cuius Tu  
vel in ipso in has oras aduentu exultantem infre-  
nasti temeritatem. Quâ celeritate, quâ dexteri-  
tate? nimirum in morbis corporis vt quisq; est  
difficillimus, ita medicus nobilissimus atq; opti-  
mus quæritur; ita nos prope extremè fortuna  
perdiderat, vt per Te fortissimum Regem, gra-  
uissimis vitæ & fortunarum periculis releuaret.  
Quantâ nostrâ fortunâ quis memoret; iam pror-  
sus in suprema rerum omnium desperatione res  
nostræ collocatæ videbantur, impendebat cer-  
uicibus nostris, naturâ immanis hostis, incen-  
debat eius amentiam infestam, nostra mediocri-  
tas, defensorum paucitas, annonæ difficultas.  
Huc accessit spes victoriæ opima, & Tuus, non  
paruos furioso hosti addere videbatur stimulos,  
apud

apud eum nobis tuendis inopinatus aduentus.  
Tu verò, cum nos ad cædem, urbem ad direptionem, crudelis prædator designaret, accurristi solus, vel cum paucis: vt vel exemplo fortitudinis Tuæ declarares, non tam numerum in bellis, quàm consilium & rationem valere. Accurristi vt cæteris viam præires, atq; luce palàm ostenderes, Tibi semper animosè in sole & acie graue munus Regium traducendum. Magnum est quod à Te conseruationis accepimus beneficiũ: sed longè maius quod maturissimè accepimus; Diuinum est, quod nos iniquo propè funeratos fato, ad vitam rursus & meliorem fortunam restituiſti, sed longè maius, quod non mediocri Tuo periculo restituiſti; vt in tantis incommodis, non iam nobis, quam Tibi & Capiti Tuo facro metueremus. Idcirco postquàm Tibi nostra incolumitas magno constitit, quia non nisi graui Tuo periculo, multo labore, frequentibus excubijs; magnam Regis beneficentissimi in nos beneuolentiam coniectamus: quos multo compararet labore. Naturâ namq; ipsâ ea cariora habentur



bentur, quæ aut operosius quæsitæ sunt, aut difficilioribus conseruantur: vtinam verum illud in nobis agnoscimus, quod lenocinium sit muneri antecedens metus. Vt verò iucundior nobis Tua foret in causa nostra sollicitudo, ad magnitudinem beneficij, etiam celeritatem addidisti. Qui tardè & diem de die extrahens profuit, non ex animo fecit; ita duas res maximas perdidit, & tempus, & argumentum amicæ voluntatis, tardè velle, nolentis est. Illud autem quo in numero censendum, quod Te & incolumitatem Tuam nostris periculis arcendis impertiisti; quasi post aditum feliciter Regnum non iam Tibi, sed Tuis viuere subditis velles. Vociferentur nunc vel ad rauim, molles illi Principum assentatores, auocent bellis, fortunam & præsentiam Regum, contendant militis manus esse Imperatorias; Imperatoriam incolumitatem bellicis dedi non oportere periculis. Producant Augusti fortunam, qui aliud quiddam agens, apud Actium vicit: meminerint Xerxis, qui ex monte Egileo prælium spectarit nauale; aut cuiuspiam alterius,

B

qui

qui sublatiſ ſcalis, dimicantes exercitus, rēmo-  
tior ipſe ſpectauit, vt nec intereſſet periculo;  
adeſſet autem euentui. Hæc imbellis & anguſti  
animi ſimulachra, quantum ſibi ad probrum &  
dedecus, tantum Tibi addunt fortiſſimè R E X  
ad gloriam. Non enim magnitudinem Tuam lu-  
dicra hæc mollium exempla Principum, pericu-  
lis poterant auocare. Iuiſti primus, non magna  
Tuorum manu, vt quemadmodum Maieſtate  
atecelleres, ita animi robore, caritate patriâ, alijs  
anteſtares. Non Tibi ſtudium, non ſolicitudo  
in tanto defuit officio, in eoq; ſupremo mune-  
re, nihil priùs & antiquiùs habuiſti, quàm vt no-  
bis optatam reſtitueres libertatem. Rideatur in-  
ſolens ille, & loco atq; nomini Imperatorio lon-  
gè quàm impar Gallienus Imperator, qui non  
aliter rexit Imperium, quàm vt pueri fingunt  
per ludibria poteſtates, cùm ex luto fingunt, re-  
ſingunt equites, equitumq; Magiſtros. Qui vbi  
Ægyptum deſciuiſſe intellexiſſet; quid (inquit)  
ſine lino Ægyptio eſſe non poſſumus? cum Aſiā  
vaſtatam incurſionibus Scytharum; quid (in-  
quit)



quit) sine aphronitris esse non possumus? Amissa  
Gallia arrisisse perhibetur: quid? sine trabecatis  
sagis tuta non est Respublica? Non ea Tibi subjicit  
vnquam animum cogitatio, cum potius viuere  
Tibi acerbum & graue putauisses; si nobis ali-  
quid vel leuiter detrimenti accidisset.

Quid verò locus ipse vbi bellatum est, an non  
magnum affert ad victoriam Tuam momentū?  
quod in hostico solo, & in eo quidem, quod  
sanguine toties perlitum sit & maduerit nostro;  
apud eos hostes, quibus innatum in nos odium  
esset: qui se etiam perfido contra nos obstrinxe-  
runt iusiurando: quos nostro malo graui, bel-  
landi docuimus artes. Tàm infesto itaq; in solo,  
procul domo, patriâ, commoditatibus, nostri  
memor, Tui immemor, bellum contra feras  
propè non homines suscepisti; vbi quotidie in  
capitis dimicationem veniendum erat, in ten-  
toriiis etiam Tuis ignita tela expectanda; globi  
ferrei metuendi: vbi nihil fidum, omnia suspec-  
ta essent; cum hostem desperatio ad extrema  
quæq; adigeret tentanda. Fecisti igitur fortissime  
R E X, more institutoque Imperatorum lauda-

bili, vt hostem nobis imminentem anteuertes, al  
atque Tuâ coërceres potentiâ, priusquàm ab eo li  
aliquid pateremur detrimenti. Commodius & n  
facilius sua tuentur, qui in alieno solo armati p  
sunt; quærat necesse est hostem eius in agro, qui &  
suis prouidere vult tranquillitatem. Non prius a  
Epirotæ iniurijs Romæ inferendis destiterunt, in  
quàm Romani in Græciam transmississent: non n  
Philippus, non Perseus, nō Mithridates, finibus c  
alienis abstinerunt populandis, priusquàm idē t  
passi essent, quod alijs intulissent. Non mediocri- t  
ter hostilis iniuria, grassata contra nos agrosque t  
nostros fuisset: nisi vim istam, in eius vbi nata ef- e  
set domicilio, sustulisses. Hæc sunt quæ animo- S  
sè in hostico solo, nostri causâ adiisti. At quo fl  
tempore? quàm per anni vicissitudinem incom- a  
modo? cùm omnia iure gentium bella conque- f  
scant: cùm feræ etiam quærant latibula, cum v  
cæli & hyemis acerbitas, & soli illius longè ma- n  
ior inclementia, ad hyberna, ex castris, ex acie c  
cogeret militem. Eo tempore tam incommodo, r  
tàm alieno, tàm insueto, Tu ipse propè idem eras q  
& Imperator, & miles; & quem Maiestas Sacra r  
ab alijs



res, ab alijs fecerneret; officium, excubiæ, labor mi-  
litaris, commune periculum, tolerantia incom-  
modorum, ab alijs non secreuit. Quot modis  
pugnantium aciem inclinantem fortunâ Tuâ,  
& prudentiâ restituiſti? quot modis abeuntes  
acie, authoritate Tuâ reuocaſti: aut ſolo intuitu  
in ruborem dediſti; quàm frequenter conti-  
nuatis noctibus & diebus, ſub aperto cælo, oc-  
caſionem hoſtis aggrediundi præſtolans, conſti-  
tiſti? propè ſolus in excubijs & periculis, vt cæ-  
teris tutò quietis eſſe liceret: vt quaſi per infe-  
ctos gladios, præſentesq; mortes, gloriam & vi-  
ctoriam quærere videreris. Inſignis ille bellator  
Scipio, ita illuſtri apud omnes gratiâ & famâ  
floruit, vt Magni penes Ciues, Maximi penes  
amicos, Feliciffimi penes hoſtes nomen meruiſ-  
ſet. Affingat Scipioni popularis aſſentatio, quàm  
volet inſignem famam; nos Te Regem Magnū  
meritis Tuis æſtimamùs, quod urbem & arcem,  
cuius potiundæ hoſtis, ſpe atq; animo incuba-  
ret, vltimo ab excidio conſeruaris: Maximum,  
quod eius feritatem manſuetudine Tuâ mitiga-  
ris: Feliciffimū, quod non priùs ſe hoſtis victum

ſentiret, quàm Tuæ virtutis palmam conceſſiſſet.

Quamobrem celebratur hæc Tua fortitudo  
& felicitas REX potentiſſime, non domeſtico-  
rum tantum ſermonibus, ſed etiam exterorum  
frequenti admiratione, quod fortunæ & gloriæ  
Tuæ amplitudinem miferorum hominum ne-  
ceſſitati atq; ſaluti condonares: quod magnis  
prouinciæ noſtræ luctibus, atq; funeribus ſub-  
uenires: quod loco alieno, tempore inſueto, ni-  
mis quàm maturè, ipſe per Te afflictis & obſeſ-  
ſis prodeſſe velles. Cùm verò magnæ Tuæ vir-  
tutes, maximis quaſi theatris orbi vniuerſo ſunt  
propoſitæ, nè nos ſegniùs felicitas à Te accepta  
quàm aduerſitas ab hoſte illata mouere videat-  
ur; non obliti quantam cladem, quem & qua-  
lem à nobis prohiberes luctum; cùm ſupremo  
Deo, vitæ & libertatis noſtræ autori, ſumma  
quæque, tum S. M. T. tantorum propugnatori  
& conſeruatori bonorum debemus; cuius ad  
omnem poſteritatem admirandæ victoriæ

Trophæum immortale  
ponemus.



Maximo & Optimo Patri patriæ,  
fortissimo bellatori VLADISLAO  
IV. potentissimo REGI Poloniae,  
Moscorum Domitori felicissimo,  
Smolensci ordines, Hoc vitæ, & li-  
bertatis conseruatae testimo-  
nium erexerunt im-  
mortale.

Reâtoratu Magnifici Domini CH R I S T O-  
P H O R I N A Y M A N O V I C Medicinæ  
Doctoris & Professoris.

C R A C O V I Æ  
*In Officina Francisci Cesarij, Anno*  
M. DC. XXXIV.





Biblioteka Jagiellońska



stdr0010284

